




|      |     |       |
|------|-----|-------|
| 内閣文庫 |     |       |
| 番號   | 漢   | 2353  |
| 冊數   | 24  | ( 1 ) |
| 函號   | 292 | 17    |

292-17





松江府志序

皇帝

嗣服之元年




予奉

文庫

命巡

撫江南思所以和惠兆

民對揚





清問惟是從宜從俗徵於  
古者庶可信於今故廣  
其詢謀尤必詳其紀載  
郡邑之有志以備文獻

昭官守也爰誠有司亟  
行修舉其明年松江府  
郭守輯郡志告成凡五  
十有四卷予得受而覽



焉其簡帙率減於舊而  
參攷詳覈刪繁汰雜厥  
有典裁自

開國以來經制之宏鉅樞筦

之綜密徵令之寬簡無

不宜揚

德音垂著憲章郁郁乎彬

彬乎稱其為



盛朝之文矣夫志者麗事見  
義懲勸畢昭例猶史也  
國家金匱石室之藏非侍  
從近臣不克窺其副而

郡邑各得修乘以佐史  
官之采擇則良有司與  
邦大夫暨博學好古之  
士咸獲珥筆以從事豈



徒矜雄望侈傳述哉創  
繼同途詛祝異效於是  
乎觀政張弛易軌靡嗇  
貿情於是乎觀時時變

而勿鳩政於何觀觀之  
義在損益之中者也凡  
有職於茲土者庶相與  
憬然而思以承



聖天子省方方之意斯志其足  
徵也夫

欽差總理糧儲巡撫江寧蘇  
松常鎮等處地方都察

院右僉都御史加一級  
前

宗人府啓心郎纂脩

玉牒副總裁吏部啓心郎河



中韓世琦撰



新修松江郡志序

三吳人文甲天下而雲間

最著是不患乎無志且今

日文史吏急催科武士重干

擷鯁二然慮日給不暇而



又何藉于有志乃郡守郭  
君曰不然雲間之志草創  
于東江顧先生增華于禹  
修方先生無論三十年来  
缺略未備即此未備者而

亦燼于兵燹是昔有志而  
今無志也若夫吏事所急  
無寧不夙夜然而時當  
鼎革舉目不殊者河山耳幅  
員不無興革戶口不無盈



縮也賦役不無更定土田  
不無草萊也官私棟宇不  
無變易忠孝節義不無湮  
沒也猿鶴沙虫不無驚啖  
鯨鮑鮫蜃不無跳梁也凡

此皆不可以無志而何得  
不急之于斯役也予聞其  
言而喟然嘆俞然唯之太  
守其有心人也哉雲間東  
南瀕海地向者南渡衣冠



多萃茲土明興二百年而  
有倭寇我

清定鼎十六年而有海寇松  
于是乎始疲頃者賦繁難  
理設婁邑以分其課而今

百萬之逋固未嘗即登四  
邑之長亦未嘗煖席松于  
是乎益疲三矣必解絃更  
張之休息愛養之更三十  
年而小人樂利君子親賢



庶幾得見貞觀太平之盛  
彼裙屐少年者且將以為  
生而富庶輕煖自豪而已  
豈復知有今日之艱難乎  
然則不志之無以見共事

茲土者之苦心于慮始也  
亦無以見此一方民之凋  
塘沸羹而初即于衽席也  
是則太守之意乎太守曰  
然抑不特此志史之權輿



也今天下金甌無缺小醜  
華心異時

天子命石渠東觀之賢採萬  
國之風謠定一代之典則  
其將取衷于郡縣之志孰

有先于吾松者太守其有  
心人哉予不佞備位分藩  
五郡三十二城之志所未  
見者十之二修于我  
朝者亦十之二其餘闕略不



序七  
讀完遠或四五十年近或一  
二十年讀至終卷每為廢  
然竊嘗有意補葺而力未  
逮今雲間獨能于倥偬之  
中成此不朽之業俾予得

以樂觀其盛深有幸焉因  
郭君之問序也書以畀之  
省  
康熙二年歲次癸卯仲冬  
上浣



江南江寧蘇松常鎮五府  
承宣布政使司右布政使  
三韓佟彭年撰



松江府志序

昔楚左史倚相能讀八索  
九丘九丘者即九州之書也  
周禮小史與外史掌邦國  
四方之志凡列國山川風



物土產貢賦之詳咸登記  
詎而又有土訓掌道地圖  
辨地物以詔地求洎訓掌  
道方志方慝詔辟忌以知地  
俗王者深居禁禦不出戶

知天下恃有此具爾自史  
局失官厥職遂散方國之  
志不隸於載筆於是乎私  
乘乃興凡職方王會之遺  
圖河渠溝洫之雜志輜車



序二  
觀風之赴告謠俗聞見之  
傳信聞者存者雖未遑苞  
括宇宙而邑里有徵要亦  
圻壤可述淵詭粲然不類  
吾稽之藉本乞以譚志實

史家之流別而司牧者之  
計帳也今夫閩卷素封之  
子慎守覺鑰猶必舉籍其  
頃畝困倉醢嘗侈石之名  
數与夫僮手指幾牛羊豕



幾蹄角晉有為錄而况守  
 土君民者乎文久而無傳  
 此賢師帥之任也松為府  
 當震澤東下之安吞吐江  
 海湖山環湊秀氣噴為鬱

為奧區其名勝則有橫雲  
 產玉三泖五葦之壯觀其  
 人士則有松雲顧葉之矧  
 傑地饒水草蹄菘蒲蝦菜  
 之鄉金龜銀鱗擅東南嘉



序四  
味吉貝弁服饒化妙燕方  
空吹綸之屬歲供三服官  
衣履天下提封井牧經陌  
帶阡秬稌雲連襪經如櫛  
庶其四履不啻中原列郡

五之一而所登毛實旅色  
廩者常冠於上國是不可  
以末之記載也郡故有志  
歲遠殘廢垂更兵燹象魏  
度懸蕩為烟埃太守郭君



廷弼奉宣條教歲事茲出  
賦政之餘搜討掌故惴乎  
弗稱儒書秉禮之邦是懼  
且念版圖之入

昭代垂歷二星而典籍一無

是稽詁為小潤爰進耆造  
文學詢濫器之吏民相與  
悉索舊章摺拾散佚遺文  
故實苞羅勳魄然後緒正  
舛謬發凡舉要經綜習比



次第編摩書成將付汗青  
而請余題其首簡余見其  
事覈文賅微隱昭晰綏條  
不紊法守足馮焉勸誡不  
惑焉信可謂史家之翼匪

造原本山川極命草木之  
為能事而已抑近世之長  
吏莫不以刀筆筐篋征賦  
聽斷為難戴星供職滋虞  
不暇鄣君敏辨肅給百度



具釐乃能改成而力餘於  
繩墨之外抗此曠舉尤見  
其有私也余忝持憲節當  
表率官宰深媿無能慮始  
故樂觀此役之成而書以

旌之一旦

聖朝稽古修外史小史之職  
簡牘布帛彙升秘府發命  
詞臣兼總條貫鋪張大一  
統之鴻休是書也豈終為



邑里之私棄我金函石室  
之藏其所裨於

國典也大矣是為序

欽差整飭蘇松兵備無理糧

儲水利江南提刑按察使

司副使三韓孫丕承誤





松江府志序

按古方域莫遠於揚州雖九州皆醒人經理之所畢至然在周初建國在揚域者不遇吳越而秦始立郡而後有



會稽今鉅郡莫如蘓松皆東  
省專設如云荒遠在所不詳  
則禹貢胡以仍有震澤三江  
之紀而田賦何以仍列下上下  
之規古望人何嘗置此一方於  
度外而用心不密與且紀土性  
曰塗泥而耕藝之難也紀貢  
道曰沿於江海關輸輓之  
艱也是其為吳民千萬世之  
通者至深且遠治之者不暇



甚詳正謂承之者不宜過急  
耳三吳之盛也自吳王闔閭  
稱霸始也東南之稱財賦區  
自漢吳王濞鑄山者海始也  
禹貢所志惟在嘉瓊瓏篠篔簹

齒革羽毛此自南海之利興三  
吳無預也所按今松江一郡  
隸縣曰華亭曰婁曰上海曰  
青浦總誌台籍華亭多舊  
屬嘉興元至正十四年以縣



戶炆二十三萬陞為華亭  
府而縣隸如故明年改松江  
府取吳淞江而得名諱水為  
災易名松江郡之立自此始也  
華亭子初未為縣吳子壽夢

初立亭為宿會所至唐天寶  
十載割崑山及嘉興海鹽地  
立華亭子孫屬吳郡自太守  
趙居貞之請始也秦初已立婁  
縣屬會稽郡深大同初分婁



縣為崑山而華亭并屬崑山  
地處孫之名久廢今仍立縣  
割華亭之東北荒區屬之則自

本朝順治十四年始也上海初未者  
孫華亭地曰華亭海居海之

上洋舶輻湊權貨於此元至二十  
九年緣割華亭之六鄉為孫

浦之左曰浦曰黃浦當上海浦孫  
名自此始也青浦初未曰縣

地也海其色青故曰青浦明



嘉靖二十三年巡按御史舒汀  
奏割華亭西共二鄉上海西  
三鄉立為縣三十二年議廢  
如故萬曆元年用郡人蔡汝  
賢議移治石臼鎮物之得

此始也大抵四邑迫近海濱其  
地平衍陂澗維艱每傷旱其  
土卑淖滌洩亟易每傷潦雖其  
產宜稻種宜木棉小民之家勤  
力作終歲無所休為不能以人



予之有餘補天時地利之不足荒  
蕪連阡賤地取盈於額迨已  
接踵籍猶需隸其名非以既  
專立之郡更分隸以孫治之者  
較古為已詳而求之者不能

不為之故與今自海警切慮師  
徒雲集患索敵陸以佐軍一需  
有司不能給則被嚴譴相繼而  
報茲緩急司督轅與太守鄭  
君墮佐邦縣令諸君皆一時共



事官上而身履其難者也鄭君  
負敏給子為治不終尋將解組  
去且以書來告曰松耶舊者  
志兵燹後編籍久蕩然且志  
為郡史政教風俗人物時  
賦所闕非淺數缺而不舉實  
為者曰當今某同鄉持國君  
教諸縉紳及博士弟子分京  
闕局蒐羅供編緝成完以付  
諸梓矣惟子大夫亦加意知之



車若民思者以振其危困而多所以  
安全者至深且切也昔者編端  
題述固可無之乎竊慮曰唯  
凡紀輿志之盛者若歷代摭相  
名於業輝星日文人騷士藻  
孫緬以及山川秀美地脈鐘  
物產精良神一之奪巧此已詳述  
昔賢之賦而備載今人之紀固無  
俟統之鋪張而揚厲者也惟是  
時事之冠裳臨以黎元之疾苦則



不飲之屬之級之皆端俾留心  
計民生者有取名親為其抑  
先生墮士民之意也夫  
取守佐諸之令之意也夫抑縉紳

康熙二年歲次癸卯孟冬

欽差分管漕務督理蘊松常  
鎮糧儲並巡視漕河江南布政  
使司參政楚蘄盧統撰





松江府誌序

今天下車書一統遐陬僻壤靡  
不戴

聖天子德威一時大小臣工咸精  
惕乃心以修庀厥職余適承乏  
出牧雲間兢兢官守唯隕越是



懼又慮以束濕傷吏治夙夜飭  
勵務與民休息念茲土爲海濱  
重地財賦甲于東南其間人文  
習俗皆有司者之責徵徃詔來  
惟郡志是憑乃兵燹之餘版籍  
散軼且辛未續修時篇帙浩繁

詞多複沓其後興廢紛更兼成  
隔代及今不爲搜輯已事奚述  
焉于是晉郡博周君裕齋而商  
榷之爰咨諸鄉大夫暨諸文學  
之畱心掌故者遂開局授簡互  
相參稽閱八月而甫訖余復節



戶二  
省月俸俾付剗劓梓成余覽之  
慨然曰志其可無輯乎夫時日  
漸遠不能無因革損益之殊者  
勢也松郡較之於昔蓋屢變矣  
西瀦陂而東斥鹵土壤異形旱  
潦交困今湮淤甌脫幾何民計

彫傷水利之成法具在何可不  
講求之也稅畝之額視昔再增  
而地不加闢郡邑吏前後率以  
逋賦報罷小民之徭役不堪命  
分三邑而四之正供未見其秩  
理也而祿糈滋費胥史之叢彌



月三  
侈經界戶口不細爲攷悉其弊  
又安極也昔防海置衛今建重  
鎮于城中勢愈重則防愈嚴兵  
愈廣水陸戰守之具愈備其詰  
戎作而固桑土者數又宜詳也  
是皆大利害之所在志中不憚

媿媿而審晰焉至屯鹽核而侵  
蠹清學校修而人文盛山川疆  
域圖繪井然宦績名賢必俟論  
定其餘往蹟雜事可記續者皆  
條分臚列之有誤必正有蕪必  
芟該而不遺質而不溢義例倍



精體裁咸得其意雖予竊取之  
亦周君暨諸鄉大夫文學之相  
與有成也實郡之幸也抑余又  
有進焉松郡之在坤輿僅彈丸  
耳賦稅催科每厯大司農心  
計而島陞警息至屢煩

宸顧余又曷敢不深明經術以潤  
飾吏事仰副嘉惠元元之至意  
哉後有補偏救弊通變宜民者  
則此志庶其可徵世有官其地  
而委文獻于不知者余或可免  
矣



龍飛康熙二年九月朔旦中憲大  
夫松江府知府三韓郭廷弼撰



重修松江府志序

今

皇帝紹膺寶歷承

世祖右文之盛蒐輯典憲裔皇顯爍

覃敷中外時三韓郭侯來守我

郡政成朞月維紀綱維疆理小



大中程民告和會乃遊泮宮肅  
學博周君而問曰郡國之有志  
猶朝廷之有史也松之成邑自  
漢以來迄於今日爲名地久矣  
宜必有志志今安在學博曰聞  
之此鄉士大夫郡志之輯逾三

紀矣鋟之於木亦已燬矣維

昭代之章程與夫二千年來之故  
實不可無成書蓋若有待焉侯  
曰是當議纂修議稍稍聞于是  
鄉大夫之遠守官服者施子峴  
山許子鶴沙沈子繹堂王子印



周周子宿來袁子若遺張子謀  
遠家伯氏尚木咸致書于侯以  
其事請侯乃進在籍諸君子而  
詢謀焉適朱子蒿庵以使事歸  
在坐與王子農山顧子見山共  
告徵輿曰志猶史也史材不具

若何徵輿曰食不必珍錯亦有  
五穀乘不必騏驥亦有四驪求  
遷固而後史則紀事無書矣今  
郡之賢獻具在若張子蓼匪陸  
子蘭垓包子宜壑楊子扶曦張  
子忍齋朱子天襄葉子炳霞暨



文學謝生提月錢生武子陳生  
惠文林生平子皆鴻博雋雅之  
儒也夫開局分纂國史且然而  
况郡志以諸君子之材同心黽  
勉日可集事若以俟異時則異  
時猶是也庸可冀乎且修前志

者爲顧文僖義例詳體裁正矣  
後志爲陳徵君蒐采博事類廣  
矣若啓禎而後薦紳聞見未至  
異同

一王之制則官司守焉述者之功  
猶今日所幾也三君子以爲然



贊之于侯侯曰善爰擇公署延  
諸子遜日分撰謂東南澤國川  
原經緯設險畫守紀載攸始農  
山見山平子繪圖作經冠之卷  
首肇邑以來間隸吳越垂象有  
常疆理則異蒿菴提月叙沿革

第一分野第二疆域第三形勝  
鄉保附焉名都可望襟帶是資  
高下有紀惠文集其事徵輿論  
而次之叙山水第四尺土之毛  
國儲具焉天襄武子叙土產第  
五秀滿則彙匪文是誇而曼是



憂武子暨徵輿叙風俗第六生  
 齒殷庶弗善厥後或盛而衰蘭  
 垓叙戶口第七土下賦上竭趨  
 納服在世之季無藝且倍惟  
 皇仁隱卹從其中制而望澤者實  
 亟農山平子叙田賦第八稅課

荒政附焉昔庸計戶今也任土  
 九蠲一存棘七告繁農山叙徭  
 役第九官海正筴厥在常賦扶  
 曦叙鹽法第十江湖灌輸古人  
 之德後人之師見山叙水利第  
 十一正位經野營建略備蘭垓



提月叙城池第十二坊巷橋梁  
市鎮附焉忍齋見山叙官署第  
十三俎豆有容文教飭也蓼匪  
叙學校第十四海波不揚武備  
修也見山武子叙兵防第十五  
凶札不虞儲待豫也宜壑惠文

叙倉廩第十六地非孔道而命  
必有達宜壑叙驛傳第十七境  
無望祀而舉必有典見山炳霞  
叙壇廟第十八故國之觀憑弔  
是資武子暨徵輿叙第宅第十  
九宜壑扶曦叙冢墓第二十武



子叙寺觀第二十一古蹟第二十二爰稽官師易世而名存美刺具焉蒿庵惠文叙守令題名第二十三學職題名第二十四其賢者則思之挹其遺風燦如也農山宜壑叙名宦第二十五

好爵爾縻爲邦家光蒿庵惠文叙科目第二十六蘭垓叙封爵第二十七天襄叙封贈第二十八錄廕第二十九昭日月刊金石先民高矩君宗天下閭里益榮惟名臣是賴自明正德以前



徵輿述之嘉靖以後平子述之  
徵輿佐之實第三十其節奇者  
其倫盡其藝進者其道微蒿庵  
武子叙獨行第三十一見山武  
子叙文苑第三十二農山武子  
叙隱逸第三十三農山平子叙

藝術第三十四游焉息焉因而  
家焉其賢者足重也炳霞叙游  
寓第三十五女士之行史家所  
重見山武子叙列女第三十六  
方外之士時有至人蒿庵忍齋  
叙仙釋第三十七文章之盛尚



矣忍齋叙藝文第二十八古郡  
國有史官氛祲是占蒿庵平子  
叙祥異第三十九凡不比于例  
其可傳者弗敢畧也蒿庵平子  
叙遺事第四十諸君子之言曰  
各盡其所知無執已說其所輯

者明以前從顧志什八明以來  
從陳志什七叅以史傳實錄裁  
以文獻閱歲而藁具至若討論  
義例稽考異同使諸家之言有  
所統紀實宜壑與平子司之徵  
輿時與聞焉書成質之學博進



之於侯侯受而次第之凡五十  
有四卷

賜進士出身嘉議大夫宗人府府  
丞前太常寺卿太僕寺卿大理  
寺少卿太僕寺少卿尚寶司卿  
福建布政使司右叅議兼按察

司僉事提督學政刑部山西司  
郎中員外郎江西司主事郡人  
宋徵輿撰





宋燾與燾

中員於波武山西河主事燾人

同食燾與燾皆學苑所濟山西河

嘉禾志序

郡有志檄九丘遺意也書以志名凡一郡之事皆在所當  
錄豈特土地所生風氣所宜而已哉嘉禾在春秋爲樵李  
至吳黃龍三禩以禾生由拳野故名自春秋距今千七百  
餘年其間有沿有革有廢有置世道汗隆之故人物盛衰  
之由與夫山川風景之所以殊郡邑事蹟之所以異其可  
紀者何可勝數而舊志多簡畧弗載宋嘉定甲戌郡守岳  
侯珂悼前聞之遺闕嘗命鄉先輩關表卿栻任行人子羽  
之事編藁將止而岳侯去鄉論惜之越六十三載皇帝撫  
有江南寸天尺地無一不入版圖內迺至元甲申克齋單



公慶來佐郡幕公餘過從輒清談竟日每喟然嘆曰圖志三歲一上法也此邦自總府開藩亦旣數年而郡志未備非闕典歟遂創議檄委郡博士徐君碩重加修纂君承命惟謹網羅散失抉剔幽眇攷古訂今哀集會粹曩之爲卷者五今之爲卷者三十有二曩之爲門者二十有五今之爲門者四十有三彪分牖列此志得爲全書徐君之用功亦勞矣編成而萊山劉侯傑寔來一日噦鸞戾泮路推良佐翟公汝弼以是白侯侯喜退而論於同列同列亦喜亟命工刻之梓時與人會事與機投莫不慶是書之遭昔張茂先志博物士歆其才蕭相國收圖籍史躋其識向非侯

有相國之識思以具知戶口爲急務則此志編而不刊與不編等徐君雖有茂先之才其何以自見是舉也侯旣能俾創議者不至爲岳之中沮又能俾修纂者不至爲關之徒勞侯亦賢矣哉侯不鄙屬余序奚敢以老鈍辭雖然此一郡事也侯賦政於外屢殿名邦入坐廟堂將以均四海爲已任他日志輿地志九域必有能紀侯之勲業者侯其勉之

至元著雍困敦孟夏朔日里人前進士納軒叟唐天麟書



嘉禾志序


圖志之書古史筆也成周職方掌天下之圖外史掌四方之志事亦重矣嘉禾爲志何昉乎猶記袁似道爲郡治中其家富有古書江浙圖志無不備獨禾與闕然非闕也禾興經邑爲州才三百載五代至宋初皆倥傯不暇真宗景德四年嘗詔諸道修圖經僅得海鹽一志而已淳熙甲午郡守張元成始延聞人伯紀爲郡志此作古也前乎伯紀所謂舊經雖博覽之士無所見其簡畧可知後乎伯紀郡守岳珂嘗命鄉先輩關表卿重修且徧檄諸邑搜訪古跡可謂勞於用力書未成而勑翁改調上而無紀錄之册可



叅次而無老成之士可質又次而無賢子弟可詢其家世其欲正譌補闕豈不難哉仰惟皇帝考圖數貢自北而南此不容於浸廢往者郡經歷單君慶因請重修郡博士徐君碩承命屬筆蒐獵散亡其綱正其篇目加多既完矣而母丘之版則未也萊山劉公傑來殿是邦路推翟公汝弼啓其議諸路官又相其成可謂是書之幸夫圖志重事也其存亡夫豈偶然雷次宗非無豫章記洪駒父求之不得見范石湖非不藁吳郡志以妄議而不得刊今嘉禾志闕而全絕而續郡侯其有功矣哉昔竇德玄不能對帝丘之問人到於今陋之今郡人得是書可以不德玄矣余故喜

爲之辭

至元戊子孟夏里人郭晦序





雲間通志序

國朝文化丕冒旁洽溥海內外罔非臣士我列聖嘗采輯天下事實編成大明一統志而皇上特頒行之則凡守土之臣不待身履其地而古今風土之蹟可一覽而槩得于中嗚呼盛矣哉余忝自內臺備員守松獲茲披覩知松寔畿內名郡山川人物表於東海當時郡人若學士錢公原溥親預總裁之列今適歸閒于家余嘗訪公於東郊詢所以編纂之詳公曰此特其顯然者爾若夫隱而未著則莫之詳焉松古一華亭在唐屬蘇在晉宋屬嘉元始爲郡而又分割蘇嘉爲之不能無在彼遺此之歎余曰何不會而



通之亦足以備一郡之全乎公曰曩者吾友浦公宗源嘗索余成此旣以費鉅辭前守田公至道又嘗計其費而成之事方就緒已有山西左叅之命尋以病卒今耄日勸於勤矣尚安事於成哉余強之曰此盛舉也不可以中沮公乃出諸古志及所摛訪論辨屬其長子岡編次成集總若干卷名曰雲間通誌余喜其書之果於成也乃托郡博葉君燦校止而刻焉夫自昔一統之盛蓋莫盛於虞夏之世書贊舜德光天至於海隅而繼以萬邦黎獻共惟帝臣又贊禹文命敷於四海而必任土作貢至於山川田賦物產莫不詳焉今松雖僻在海隅寔古揚州之域財賦甲於東

南而人材之彙征物產之蕃庶亦萬邦懷共臣之願九土極攸同之歸也聖明一統之所繇以盛者不於斯而益驗乎旣而郡博來請序謹書此復之若夫節俸以助余刻是集者同知河間傅公愷泰和楊公憲通判南雄黃公叅襄陵王公瑄節推壺關杜公矩也

成化九年青龍集癸巳中順大夫直隸松江府知府前廣西道監察御史清澗白行中大本謹序



松江府志序  
 予往歲憂居郡守今都御史宜春劉侯琬嘗屬以志事會  
 予北上不果正德己巳予復以憂歸明年庚午御史弋陽  
 謝君琛按部來松問府之故病其遺缺嗣守臨川陳侯威  
 復舉以屬予冬始即事而侯以春去予謂其終弗果也會  
 今守內江喻侯時繼至力主成之府始為縣時有雲間志  
 既為府屬嘉興見嘉禾志直隸省後有松江郡志有續志  
 入國朝有松江志有雲間通志通志者會諸志而成書者  
 也雲間志歷歲久遠今已無全書其餘雖存而後生之得  
 見者已鮮通志所載又間有脫訛更後數十年遺文墜蹟

松江府志序

予往歲憂居郡守今都御史宜春劉侯琬嘗屬以志事會  
 予北上不果正德己巳予復以憂歸明年庚午御史弋陽  
 謝君琛按部來松問府之故病其遺缺嗣守臨川陳侯威  
 復舉以屬予冬始即事而侯以春去予謂其終弗果也會  
 今守內江喻侯時繼至力主成之府始為縣時有雲間志  
 既為府屬嘉興見嘉禾志直隸省後有松江郡志有續志  
 入國朝有松江志有雲間通志通志者會諸志而成書者  
 也雲間志歷歲久遠今已無全書其餘雖存而後生之得  
 見者已鮮通志所載又間有脫訛更後數十年遺文墜蹟



將無復討尋矣故今並取諸本參互考證會以成編而不  
敢畧焉通志以後則續之事見他書而諸志所未及者補  
入之其間卷第之先後類目之分合事辭之易置取合倫  
例與便檢閱益稍異往編而大率皆其故也至于推原變  
始考見得失因事寓規間亦有之而罔敢以意參焉嗚呼  
郡之志猶國之史也昔人有成論矣史不爲天下萬世而  
私於一人是之謂曲筆志不爲一鄉與後世亦豈能逃士  
論之公今茲纂輯益歎焉惟淺狹挂漏貽笑於大方是懼  
日月滋久叅質爲艱而梓刻成矣敢述所懷布諸簡首後  
有作者即其具文加之黼藻以成一郡之書豈惟寡學之

幸亦前後諸公所以屬望之心也志爲卷三十二爲目三  
十一目之下又有目焉凡十有七卷始終暨圖目爲版九  
百十有六居之郡閣備散逸也同事諸生與郡之僚屬贊  
襄於是者並列名左方

壬申冬十月初吉賜進士出身翰林侍讀學士兼經筵講  
官同修國史郡人顧清序







千石謀之博士掌故給筆刀燎燭釐總條貫鱗次而損益之煥然昭整使輶軒使者得以攷究徽圖知善敗所繇文治之功於是爲鉅夫治貴循本善化者不易民而理君子之於國也非徒身立之軌而又將以爲後瀆以今日之松計之其人材如機雲遜抗功業蔭映南國者猶昔也其徭賦瑤琨篠簜貢金三品厥賦下上上錯者猶昔也鳳山龍江環白苧城而縈帶陵藪精熒亦猶昔也而觀風問俗者不無江河日下之感則夫起衰剔蠹嗟凋劫而予之膏沐匡袞洸而惠之斌雅長吏之拊循與師儒之倡率其必有方矣誌者志也漢稱職志當使採風謠者望如旄幟焉而

是編考班就部抑何顛暫列眷也志甫葺會余膺綸召祝輒首塗古者土訓氏得以山川阨塞土俗媿郁詔王况今旃厦右文東南股肱郡尤宵旰厯慮有如清問三江水利何狀底定而予得藉手誦說則是書固保乂之元龜鞠謀之丹青滕之籍府可訓可傳者哉

賜進士第通奉大夫欽差總理糧儲提督軍務兼巡撫應天等府地方都察院右副都御史奉特旨欽召陞兵部右侍郎中原曹文衡書



志序

志者識也脩志者多侈言山川人物風土之藻麗以爲巖  
郡觀而予不然志以志吾過而已松江郡志前正德辛未  
脩者文僖東江顧公後崇禎辛未脩者爲不佞貢屈指甲  
子蓋兩週也一百二十年掌故幸借手諸君子以文我陋  
編纂明備歲日奇符覽志而喜可知也而予愧乃滋甚松  
賦煩役重徵者編者不能去其太甚且或甚之中人之產  
一經踐更身非我有遑問田廬予孳孳講求而艱苦乖錯  
猶昔則覽志而愧粟米布縷魚鹽之利貌稱東南陸海然  
糊口則盈終事則拙力作游惰叅半而處焉稍獲餘羨侈



汰耗其三健訟耗其三博徒惡少年耗其三外腴中枯甘心逋賦者纍纍矣予撥挽隄防而彫瘵頑靡猶昔則覽志而愧小津大川田錯如繡十日不雨高者龜坼一雨十日下者鳧没予躬行相視且濬且築而崩啣堙淤猶昔則覽志而愧凌暴成習莫以爲非寡勢而擁百畝貲輒有造患投之者矣慮患則身請爲奴主人朝炎夕冷卽朝趨而夕叛之而轉以凌暴他氏者比比也余禁戢法無貸而格面不格心猶昔則覽志而愧積貯大命天災時有待蠲待賑溝瘠已盈區區朽粟二千濟事能幾近雖薄有存積而遽語脩備猶未也則覽志而愧松故腹地第百里之外僅與

倭爭一帆耳而內盜不時零發皆徹桑畜艾事也三年來雉堞脩補幾何戎噐除繕幾何伍苻屯籍整擗幾何則覽志而愧之數者皆予三年內悚懾而未敢懈者猶舉少而廢多或似脩而實墜其爲吾精神所未及周者隳弛又何如而予愧固無終極矣猶是物力而遼餉津糧則前之辛未所未有猶是征輸而索逋及於八年考成及於零雜則前之辛未所未有賦日重日急民益困民益困俗日偷以一百二十年積重之弊救之急若援溺而貢且屑屑焉簿書期會是問不遑攷掌故而師前賢舊有志猶弗志耳故余以脩聖宮之餘董脩郡志志郡事也併以志我過屬有



采薪之憂旦晚解組後我而守者亟為我懺之

襄西方岳貢書於退思軒時清和月之廿二日

*[Faint bleed-through text from the reverse side of the page]*

重修松江府志序

其昌憶當蚤歲西蜀王公謀續郡志陳太史伯求曰郡當  
甲寅乙卯用兵之後勞臣戰將烈婦貞女尚在故老之口  
失今不紀遺恨千秋嗟嗟此二千石守長教訓正俗之事  
後時猶病况久廢不講乎又三十年而閣學陳文憲公疏  
脩本朝正史有詔天下郡國家脩志乘亟進史局於是文  
淵閣書目驟增其半吾郡但以舊志應當是時王盟者有  
陸文定羽翼者有同館三四君子文獻非不足也而東郡  
許公道謀竟成寡和脩志之不可冀如此今郡大夫禹脩  
方公政成廉善才擅史長禮樂當百年之興是非扶三代







之直慨然以續脩爲已任驅車山中授簡陳子就方正學先生之祠而揚挖焉公曰當吾世而筆討此昌黎之所懼也敢爲賢者累抑孔子作春秋於隱桓則章於定哀則微請以人物志斷自肅廟之內寅庶幾定論已成大書無忌豈惟先賢耆舊月旦森然而揭車湘芷區別於士林檮杌騶虞竝登於民監公之義例如此若乃千腋萃而成裘衆材備而作室則通郡之事日日繁舊志之網羅猶畧士大夫欣逢曠典仰贊芳規莫不發其縹緗購彼散失說鈴腹笥四面畢陳蠹簡殘編一朝犬出豈有乘軒之採拜爵之酬哉則公之德意所風動遠矣公嘗盟於正學之祠以穢

史謗書爲誠惟茲兵農錢穀賦役民隱攸關神叢是託新法與掌故離合靡常詔令與教條東西易嚮舞文不已去籍乘之仕者之耳目密移民生之脂膏暗吸此其凶于而國不在穢史謗書之下乃總其條貫周爰諮詢參考異同歸之畫一使周車炳於指路禹鼎凜乎伏姦此又公之深心造福吾松於無旣者也是役也一事而三善備焉鑿裁精也荷擔勇也翁受虛也殺青旣竟而猶以施設未盡爲愧孔子曰我欲載之空言不如見諸行事宛然春秋法也哉不佞昌多暇人也田光之冤已消趙孟之偷無改不能具研削以從獨以及見河清爲幸而附名末簡云爾



賜進士第資善大夫南京禮部尚書前禮部左侍郎兼翰林院侍讀學士詹事府詹事掌南京翰林院事實錄副總裁經筵講官治生董其昌撰并書



文政



